

„EUROHERC osiguranje“ d.d. Sarajevo, ulica Trg Međunarodnog prijateljstva 20, 71000 Sarajevo ID broj:4227015330421 koga zastupa direktor Damir Hadžić, (u daljem tekstu: Osiguravatelj)

Dana 24.09.2019. godine u Sarajevu zaključili su sljedeći

UGOVOR o pružanju usluga osiguranja učenika

Član 1.

Predmet ovog ugovora je osiguranje učenika Ugovaratelja od posljedica nesretnog slučaja (nezgode) za vrijeme boravka u školi i izvan škole, tokom 24 sata bez vremenskog i prostornog ograničenja.

Član 2.

Osiguranje po ovom Ugovoru pokriva posljedice nesretnog slučaja-nezgode, za smrt usljed nezgode/nesretnog slučaja, trajni invaliditet, lom kostiju i troškove liječenja nastalih nad svim učenicima Ugovaratelja pojedinačno.

Član 3.

Ugovaratelj će sa Osiguravateljem u ime učenika zaključiti police kolektivnog osiguranja od posljedica nesretnog slučaja (nezgode), sa sljedećim osiguranim rizicima i osiguranim sumama:

• Smrt usljed nezgode/nesretnog slučaja	3.480,00 KM
• Trajni invaliditet	9.800,00 KM
• Lom kostiju	150,00 KM
• Trošak liječenja	1.000,00 KM

Član 4.

Za ugovorene usluge iz člana 1.ovog Ugovora strane utvrđuju cijenu u iznosu od 5,00 KM godišnje po jednom učeniku.

Član 5.

Ovaj Ugovor se zaključuje na period od godinu dana, počev od 01.09.2019. godine do 01.09.2020. godine sa mogućnošću produženja, ukoliko je to u interesu ugovornih strana, što bi bilo regulisano posebnim Ugovorom ili Aneksom ovom Ugovoru.

Član 6.

Osiguravatelj će pružati usluge osiguranja iz člana 3. ovog Ugovora vodeći računa o zaštiti interesa Ugovaratelja i u skladu sa pravilima struke i zahtjevima Ugovaratelja, a sve u skladu sa dostavljenom ponudom.

Za osiguranje učenika od posljedica nezgode/nesretnog slučaja izdat će se jedna polica u kojoj se navodi broj osiguranih osoba i ista čini sastavni dio ovog Ugovora.

Obaveze Osiguravatelja po osnovu osiguranja nastupaju izdavanjem police u kojoj su navedene osigurane svote za svaki od rizika iz člana 3. ovog Ugovora.

Član 7.

Polica osiguranja, Opći uvjeti za osiguranje osoba od posljedica nezgode, Tablica za određivanje postotka trajnog invaliditeta kao posljedice nesretnog slučaja (nezgode) čine sastavni dio ovog Ugovora.

Prava i obaveze Ugovaratelja i Osiguravatelja kao i postupak naknade štete razrađeni su u Uvjetima osiguranja.

Član 8.

Premija osiguranja plaća se na račun Osiguravatelja najkasnije 30 dana po prijemu fakture, koju Osiguravatelj izdaje na osnovu broja osiguranih učenika.

Ugovaratelj će Osiguravatelju dostaviti brojučano stanje učenika sa imenima i prezimenima, te će takav spisak predstavljati osnovicu za obračun premije osiguranja.

Član 9.

Ugovaratelj je dužan Osiguravatelju prijaviti eventualne promjene broja osiguranih osoba, kako bi se na kraju osiguravajućeg perioda izvršio konačan obračun premije i izvršilo dodatno plaćanje premije, odnosno povrat više uplaćenih sredstava.

Član 10.

Ukoliko nastupi osigurani slučaj iz člana 3. ovog Ugovora Osiguravatelj će izvršiti isplatu osigurane sume najkasnije u roku ne dužem od 14 dana od kompletiranja dokumentacije potrebne za utvrđivanje osnovanosti i visine odštetnih zahtjeva (predočeni dokazi, ocjena ovlaštenog ljekara-cenzora i sl.)

Član 11.

U cilju unapređenja poslovnih odnosa, tokom trajanja ovog Ugovora ugovorne strane mogu odredbe Ugovora mjenjati, dopunjavati ili druge poslove regulirati sporazumno putem Aneksa ovom Ugovoru ili putem posebnih sporazuma, s tim da sve promjene proizvode pravni učinak ako su sklopljenje u pisanoj formi i potpisane od obje ugovorne strane.

Član 12.

Ugovorne strane su saglasne da se sva sporna pitanja rješavaju sporazumno. U slučaju eventualnog spora ugovara se nadležnost suda u Sarajevu.

Član 13.

Na sva pitanja koja nisu regulisana ovim Ugovorom primjenjivaće se odredbe Zakona o obligacionim odnosima.

Član 14.

Ovaj Ugovor je sastavljen u 4 (četiri) istovjetna primjerka od kojih svaka strana zadržava po 2 (dva).

ZA OSIGURAVATELJA:
Direktor: Damir Hadžić



Broj: 193033224
Datum: 10.10.2019.

ZA UGOVARATELJA:
Direktorica škole: Sabiha Salčin, prof


M.P.



Broj: 01-1340-1/19
Datum: 24.09.2019. godine